

Na osnovu Odluke Vlade HNK o davanju suglasnosti na Program utroška novčanih sredstava utvrđenih Budžetom HNK za 2022. godinu za Ministarstvo poljoprivrede, šumarstva i vodoprivrede s pozicije „Transferi u veterinarstvu“ za 2022. godinu broj: 01-1-02-1466/22 od 31.05.2022. godine, Ministarstvo poljoprivrede šumarstva i vodoprivrede Hercegovačko-neretvanskog kantona objavljuje

## **JAVNI POZIV**

**za dodjelu sredstava iz Programa mjera dijagnostičkih ispitivanja životinja na području epizootioloških jedinica u HNK za 2022. godinu**

### **I PREDMET JAVNOG POZIVA**

Predmet Javnog poziva je prikupljanje prijava – projektnih prijedloga za dodjelu novčanih sredstava Ministarstva poljoprivrede, šumarstva i vodoprivrede Hercegovačko-neretvanskog kantona (u daljem tekstu Ministarstvo) s pozicije 37010004 „Transferi u veterinarstvu“ za 2022. godinu broj: 01-1-02-1466/22 od 31.05.2022. godine, ekonomski kod 613900 „Ugovorene i druge posebne usluge“.

### **II KRATAK OPIS PROGRAMA, CILJEVI PROGRAMA**

Javni poziv se raspisuje u cilju dodjele sredstava za provođenje Programa mjera u Hercegovačko-neretvanskom kantonu kojima će se utvrditi postoji li prisutnost bruceloze kod malih preživara na području HNK i screening stada na bolest bruceloze, a iznos predviđen za provođenje ovih mjera je 60% od ukupnog iznosa predviđenog Programom utroška novčanih sredstava utvrđenih Budžetom HNK za 2022. godinu za Ministarstvo poljoprivrede, šumarstva i vodoprivrede s pozicije „Transferi u veterinarstvu“ broj: 01-1-02-1466/22. Rezultat Programa biće čvrsta osnova za održavanje povoljnog statusa zdravlja životinja u Hercegovačko-neretvanskom kantonu kao i za daljnje smjernice u nastavku borbe protiv bruceloze do njenog konačnog iskorjenjivanja. Mjerama Programa utvrdit će se da li postoji prisutnost uzročnika američke gnjiloće pčelinjeg legla, te uzročnika nosemoze i varoze pčela, a iznos za provođenje ovih mjera je 40% od ukupnog iznosa. Na osnovu dijagnostičkih ispitivanja propisanih Programom, a koje se odnose na patogene pčela dobit će se realna slika stanja i zdravlja pčelinjih zajednica na području kantona, a to bi uveliko koristilo razvijanju strategije razvoja pčelarstva, ali i ostalih programa i aktivnosti u ovoj gospodarskoj grani.

### **III UKUPNI IZNOS RASPOLOŽIVIH SREDSTAVA**

Sredstva za dodjelu su osigurana Budžetom HNK za 2021. godinu na poziciji 37010004 „Transferi u veterinarstvu“ za 2022. godinu broj: 01-1-02-1466/22 od 31.05.2022. godine, ekonomski kod 613900 „Ugovorene i druge posebne usluge“, u iznosu od 100.000,00 (stotinu hiljada konvertibilnih maraka).

### **IV PRAVO SUDJELOVANJA U JAVNOM POZIVU**

Pravo prijave na Javni poziv imaju sve veterinarske organizacije na području HNK na osnovu kriterija dodjele Područja djelovanja veterinarskih stanica u HNK, a sukladno Pravilniku o uslovima za osnivanje i obavljanje veterinarske djelatnosti i načinu dodjele područja djelovanja („Službene novine FBiH“, broj 05/16).

## V SADRŽAJ PRIJAVE ZA SUDJELOVANJE U JAVNOM POZIVU

Da bi komisija za odabir korisnika sredstava uzela u razmatranje prijavu podnosilac zahtjeva mora da ispuni sljedeće uslove:

### a) Zahtjev za sudjelovanje u Javnom pozivu

Pod ovim se podrazumijeva uredno popunjen obrazac - zahtjev za prijavu na Javni poziv, u kojem mora biti sažet opis programa i cilj programa, te navedeni osnovni podaci koji se traže od podnosioca zahtjeva (naziv podnosioca zahtjeva, adresa sjedišta, zakonski zastupnik, kontakt osoba, identifikacijski broj (broj poreznog obveznika), transakcijski broj/ naziv banke i iznos sredstava koji se traže za realizaciju programa.

Zahtjev za prijavu na Javni poziv mora biti ovjeren potpisom i pečatom od strane ovlaštene osobe.

Obrazac zahtjeva za prijavu na Javni poziv se preuzima sa web stranice Ministarstva [www.mpsv-hnz-k.ba](http://www.mpsv-hnz-k.ba).

### b) opći prilozi

#### Lista općih priloga

- Ispunjene obaveze plaćanja poreza i doprinosa.
- Da se protiv podnosioca prijave, odnosno lica ovlaštenog za zastupanje i voditelja programa ne vodi krivični postupak i nije pravomoćno osuđen za prekršaj i/ili počinjenje krivičnog djela.

### c) posebni prilozi

#### Lista posebnih priloga

- Rješenje Ministarstva poljoprivrede, šumarstva i vodoprivrede HNK o dodijeljenom području djelovanja
- Rješenje Ministarstva poljoprivrede, šumarstva i vodoprivrede HNK o obavljanju veterinarske djelatnosti

## VI KRITERIJI ZA OCJENU PRIJAVA I ODABIR KORISNIKA

Sredstva iz tačke III Javnog poziva rasporedit će se prema slijedećim kriterijima:

1. Broj malih preživara i broj registrovanih košnica na područjima djelovanja pojedinih veterinarskih organizacija
2. Visina sredstava predviđena Programom mjera dijagnostičkih ispitivanja životinja na području epizootioloških jedinica u HNK za 2022. godinu u jednakom procentu za svako područje djelovanja

Vrednovanje po osnovu kriterija za veterinarske organizacije će se vršiti verifikacijom pristigle dokumentacije.

## **VII ROKOVI (TRAJANJE POZIVA), NAČIN PODNOŠENJA PRIJAVE NA JAVNI POZIV**

Rok trajanja poziva i konsultacija je 15 dana od dana posljednjeg objavljivanja Javnog poziva u dnevnom listu.

Rok za dostavljanje prijave je 15 dana od dana posljednjeg objavljivanja Javnog poziva u dnevnom listu.

Zahtjevi (prijave) se dostavljaju u zatvorenoj koverti lično ili putem pošte na adresu:

**Ministarstvo poljoprivrede, šumarstva i vodoprivrede HNK,**

**Hrvatske mladeži bb, 88 000 Mostar**

sa naznakom NE OTVARATI - Javni poziv za dodjelu sredstava iz programa mjera dijagnostičkih ispitivanja životinja na području epizootioloških jedinica u HNK za 2022. godinu.

Nakon odabira veterinarskih organizacija pristupit će se potpisivanju ugovora pojedinačno sa svakom organizacijom.

## **VIII NAČIN OBJAVE POZIVA I DOKUMENTACIJE VEZANE ZA POZIV**

Skraćeni tekst Javnog poziva objavljuje se u dva dnevna lista, a integralni tekst istog na službenoj stranici Ministarstva [www.mpsv-hnz-k.ba](http://www.mpsv-hnz-k.ba).

Dokumentacija vezana za Javni poziv može se preuzeti sa službene stranice Ministarstva i u Sektoru za veterinarstvo koja je u sastavu Ministarstva poljoprivrede, šumarstva i vodoprivrede HNK, adresa Hrvatske mladeži bb, 88 000 Mostar. Komisija zadržava pravo da obavijesti prijavljene veterinarske organizacije o eventualnoj dopuni dokumentacije.

## **IX ZAVRŠNE ODREDBE**

Postupak pregledanja prijave za dodjelu sredstava iz Javnog poziva provodi Sektor veterinarstva u okviru ovog Ministarstva, koja će utvrditi formalnu ispravnost istih u smislu njihove blagovremenosti, potpunosti i urednosti.

Ministar će imenovati Komisiju koja će na osnovu kriterija datih u Javnom pozivu provesti odabir pristiglih pravovaljanih i blagovremenih prijava. Nakon provedenog postupka Ministarstvo će zaključiti ugovor o provođenju aktivnosti vezanih za Program kojim će se detaljno urediti međusobna prava i obaveze Ministarstva i korisnika kojima su sredstva odobrena.

Komunikacija se može ostvariti pozivom na broj telefona 036-445-919 ili putem maila [ministarstvopoljhn@gmail.com](mailto:ministarstvopoljhn@gmail.com).

## X SPREČAVANJE SUKOBA INTERESA

Svaki član komisije bit će isključen iz postupka dodjele sredstava ukoliko se utvrdi da je u sukobu interesa u odnosu na podnosiocje prijave.

Podnosioci prijave imaju mogućnost da Ministarstvu poljoprivrede, šumarstva i vodoprivrede HNK prijave sumnju na postojanje sukoba interesa, a navedeno Ministarstvo će odlučiti po svakoj prijavi.

Broj: 11-04-20-1094-2/22  
Mostar, 20.06.2022. godine



Ministar

Donko Joyić

Dostaviti:  
1. Kabinetu ministarstva  
2. a/a